

歷代內侍考

歷代內侍考卷之十二

疏集

宋

張茂則 陳衍

張茂則字平甫開封人初補北黃門五遷至西頭供奉官幹當  
內東門禁庭夜有盜茂則首登屋以入既獲賊遷領御藥院仁  
宗不豫中夜侵召茂則趨入扶衛左右或欲掩宮門茂則曰事  
無可慮何至使中外生疑耶帝疾間欲處以押班懇求補外轉  
宮苑使果州團練使為永興路馬鈴轄入為內侍押班再遷副  
都知熙寧初同司馬元相視恩冀深瀛四州生隄及六塔二股

河和塞進入大者知上元夜宮中火督舉即撲滅詔曰宮禁不  
驚帑藏如故惟忠與力予固嘉之賜以窄衣金帶累乞退休言  
受國厚恩廩食過量積而未請者七年乞令三司毀券詔褒之  
仍進其官哲宗即位遷寧國軍留後加兩省都知卒年七十九  
茂則性儉素食不重味衣裘累十數年不易紹聖論元祐又以  
茂則嘗預任使追貶左監門衛將軍崇寧中入黨籍

陳衍開封人以内侍給事殿庭累官供備庫使梁惟簡薦諸宣  
仁聖烈皇后主管高韓王宅領御藥院內東門司宣仁山陵為  
按行使俄以左藏庫使文州刺史出為真定路都監御史來之

邠方力說元祐政事首言衍在垂簾田快寵驕肆交結戚里進退大臣力引所私俾居耳目之地張商英亦論衍交通宰相御服為之賜珠結託詞臣儲祥為之賜膳蓋指呂大防蘇軾也衍坐貶監郴州酒稅務惟簡以援引張士良梁知新以黨附皆得罪已又編管白州徙配朱崖章惇起獄誣元祐諸老大臣云結衍輩以謀廢立士良與衍同在宣仁后閣自郴州召之使實其說士良至但言宣仁彌留之際衍嘗可否二府事及用御寶付外而已鍛鍊無所得安惇蔡京乃奏衍疏隔兩宮斥隨龍內侍十餘人於外以剪除人主心腹羽翼意在動搖大逆不道乃詔

處死令廣西轉運使程節泣其刑

論曰嗚呼王安石之禍人國也烈矣哉夫汴宋之亡吊古者  
爭罪章蔡顧二氏所紹述者誰氏之政而其所籍以為黨人  
者又誰之讐乎端禮一碑無論將相諸臣盡於一網即閹尹  
之賢者亦不免焉茂則猶幸濫先而陳衍遂以枉死悲哉惜  
矣藉令不有熙寧之新法則必無元祐之改正彼二氏者將  
何所紹述又何所讐於元祐而汴都之駕或不遽至北轅耳  
吾故曰安石之禍之烈也雖然皇甫規自以西州豪傑恥不  
與黨則陳衍茂則沒有餘榮矣

程昉

程昉開封人。以小黃門積選西京左藏庫副使。熙寧初為河北  
屯田都監。河決棗強。醜二股河導之使東。為鋸牙下以竹落塞  
決口。加帶御器械。河決商胡北流。與御河合為一。及二股東流  
御河遂淺。昉以開浚功。遷宮苑副使。又塞漳河作浮梁于洛  
州。兼外都水丞。詔相度興修水利。河決大名。第五埽昉議塞之  
因疏塘水溉深州田。又導葫蘆河自樂壽之東至滄州二百里  
塞孟家口。開乾寧軍直河作橋於真定之中渡。又自衛州王洪  
埽導沙河入御河。以廣運路。累遷達州防禦使。制置河北河防

水利御史盛陶言防決第五埽之功專為己力假朝庭威福恐動州縣所開共城河頗廢人戶水碓久無成功又議開沁河因察訪官按行始知不便漳河漚沱之役水占邢洛趙深祁五州之田王廣廉孔嗣宗錢勰趙子幾皆嘗論奏其姦欺之狀則多置撻口指決河所侵便為淤田其事權之盛則舉官廢吏惟其所欲恃慢豪橫則受聖旨者三受提點刑獄司牒者十二故有違拒小人誤當賞擢驕暴自肆願遣官代還仍行究治神宗曰王安石以防知河事故加任使令開漳河用工七百萬漚沱八九百萬已議體量矣始安石欲興水利縣用防防挾安石勢而

慢韓琦後安石覺其虛誕亦疏之以憂死贈輝州觀察使遂罷都大制置河防水利司

論曰國家經政凡皆以興利而除害也顧治水獨稱利者其說昉於孟子論性而以禹之治水徵也禹之治水行其所無事者也無事即利利即由地中行蓋可以長無事矣有所事焉決與塞皆害也故河渠者其天下之大利大害乎宋初都汴治河尤亟要在行所無事耳王安石當國驟講水利而偏任一生事之程昉昉恃安石任其私智而騷然多事迄無成功直驅無辜之黔首不貲之緡錢以供陽侯一怒韓宗師論



昉罪十六。吾以為安石之罪倍蓰於昉。而昉以憂死。安石竟護  
前猶故。真所謂小人而無忌憚者哉。吾觀安石行新法。初亦結  
內侍張若水。藍元震。以為與援。則久矣。其行詐矣。

高居簡 雷允恭 閣文應 任守忠

高居簡字仲路世本番禺人以父任為入內黃門護作溫成原廟奉神物以精辨稱超轉殿頭領後苑事坐奉使梓夔路多占驛兵降高品歷領龍圖天章寶文閣內東門司幹當御樂院神宗即位御史張唐英言其資性愴巧善迎合取容中丞司馬光亦言其久處近職罪惡已多祖宗舊制幹當御樂院官至內殿崇班以上即須出外今陛下獨留四人中外以此竊議况居簡頃在先朝依憑城社物論切齒及陛下總統乃復先自結納使寵信之恩過於先帝願明治其罪以解天下之惑於是罷為供

備庫使稍遠帶御器械進內侍押班以文思使領忠州刺史平  
贈輝州觀察使居簡閤外廷議論必以入告省中目為高直奏  
仁宗時常使南海過廣州火救者不力居簡督衆護軍資甲伏  
二庫賴以獲全事聞詔褒之

雷允恭開封人初為黃門頗慧黠稍遠入內殿頭給事東宮周  
懷政偽為天書允恭豫其事懷政死權內殿崇班遠承制再遠  
西京作坊使普州刺史入內侍省押班章獻后初臨政丁謂  
潛結允恭凡機密事令傳達禁中由是允恭勢橫中外山陵事  
起允恭請效力陟上章獻后曰吾慮汝有妄動恐為汝累也乃

以為山陵都監。允恭馳至陵下。司天監邢中和為允恭言。今山陵上百步法。宜子孫類。汝州秦王墳。允恭曰。何不就中和。曰。恐下有石。與水爾。允恭曰。上無他子。若如秦王墳。何不可。中和曰。山陵事重。踏行覆按。動經日月。恐不及七月之期耳。允恭曰。第移就上穴。我走馬入見。太后言之。允恭素貴。橫人不敢違。即改穿上穴。入白其事。章獻后曰。此大事。何易輕如此。允恭曰。先帝宜子孫。何惜不可。章獻后意不然。曰。出與山陵使議。可否。時丁謂為山陵使。允恭具道。所以謂唯唯而已。允恭入奏。曰。山陵使亦無異議矣。既而上穴。果有石。石盡水出。允恭竟以是并坐盜。

金寶賜死籍其家中。和流沙門島尋竄海上。

閻文應開封人。給事。振武。積遜至入內副都知。仁宗初執政。與宰相呂夷簡謀以張耒夏竦陳堯佐范雍趙禔晏殊錢惟演皆章獻后所任用。悉罷之。退以語郭后。后曰。夷簡獨不附太后邪。但多機巧。善應變耳。由是并夷簡罷之。簡素與文應相結。使為中詞。久之乃知事由郭后。夷簡遂怨后。及再相。楊尚二美人方寵尚美人於仁宗前。有語侵后。后不勝忿。批其頰。仁宗自起救之。誤中其頸。仁宗大怒。文應乘隙遂與謀廢后。且勸以爪痕示執政。夷簡以怨力主廢事。因奏仁宗出諫官。竟廢后為淨妃。

以所居宮名瑤華皆文應為夷簡內應也郭后既廢楊尚二美  
益寵專夕仁宗體為之笑或累日不進食中外憂懼楊太后亟  
以為言仁宗未能去文應早暮入侍言之不已仁宗厭其煩強  
應曰諾文應即以輿車載二美人出二美人涕泣詞說云云不  
肯行文應罵曰宮婢尚何言驅使登車翌日以尚氏女道士  
居洞真宮楊氏別宅安置既而仁宗復悔廢郭后有復后之意  
文應大懼會后有小疾挾太醫診視數日乃言后暴崩寧文應  
為之也累至昭宣使恩州團練使時諫官劾其罪請并其子士  
良出之以文應領嘉州防禦使為秦州鈐轄改郾州士良罷御

藥院為內殿崇班始楊尚二美人之出宮也。左右引陳氏女入宮。父貌陳子城。楊太后嘗許以為后。宋綬不可。王曾呂夷簡蔡齊相繼論諫。陳氏女將進。御士良聞之。遽見仁宗。仁宗被百葉擇日。士良曰：「陛下閱此，豈非欲納陳氏女為后邪？」仁宗曰：「然。」士良曰：「子城使大臣奴僕官名也。陛下納其女為后，無乃不可乎？」仁宗遽命出之。文應後從相州鈴轄卒贈邠州觀察使。任守忠字稷臣，蔭入內黃門，累轉西頭供奉官，領御藥院坐事。廢以之復故官，補遷上御藥供奉。初，章獻后聽政，守忠與都知江德明等交通，請謁權寵過盛。仁宗親政，出為黃州都監。又謫。

監英州酒稅。稍遷潭州都監。徙合流鎮。西鄙用兵。又為秦鳳涇  
原路駐泊都監。以功再遷東染院使。內侍押班。出為定州鈐轄。  
加內侍副都知。累遷宣政使。洋州觀察使。為入內都知。仁宗未  
有嗣。屬意英宗。守忠居中建議。欲援立昏弱。以徼大利。及英宗  
即位。拜宣慶使。安靜軍留浚。守忠又語言誕妄。交亂兩宮。於是  
知諫院司馬先論守忠離間之罪。為國之大賊。民之巨蠹。乞斬  
於都市。英宗猶未行。宰相韓琦出空頭敕一道。參政歐陽修已  
簽。趙鼎難之。修曰。第書之。韓公必自有說。琦遂坐政事堂立守  
忠庭下曰。汝罪當死。貶保信軍節度副使。新州安置。取空頭敕。



填與之。即日押行。琦意以為少緩則中變也。守忠久被寵幸。用事於中人。不敢言其過。及貶中外快之。起為右武衛將軍。致仕。卒年七十九。

論曰。直美名也。而居簡以直奏濟其姦。元妻子母至情也。而文應力主廢后。守忠離間兩宮。其罪不容於死矣。元恭祿穴意屬愛君。而愾然任事。不太橫歟。元恭伏誅。而文應守忠幸保守領。則亦仁柔之過耳。昔真宗時。內侍江守恩以擅取民麥杖殺軍士。抵法則真宗之用刑較仁宗不猶賢乎。

## 童貫

童貫少出李憲之門性巧媚自給事宮掖即善策人主微指先  
事順承徽宗立置明金局於杭貫以供奉官主之始與蔡京游  
京進貫力也京既相貫策取青唐因言貫嘗十使陝右審五路  
事宜與諸將之能否為最悉力薦之令兵十萬命王厚專閫寄  
而貫用李憲故事益其軍至湟州適禁中火帝下手札驛止貫  
毋西兵貫發視遽納鞞中厚問故貫曰上趣成功耳師竟出復  
四州擢景福殿使襄州觀察使內侍寄資轉兩使自茲始奉  
為熙河蘭湟秦鳳路經略安撫制置使累遷武康軍節度使討

溪哥藏征復積石軍洮州加檢校司空頗恃功驕恣選置將吏  
皆捷取中旨不復問朝庭寔咈京意除開府儀同三司京曰使  
相豈應授宦官不奉詔政和元年進檢校太尉使契丹或言以  
宦官為上介國無人乎帝曰契丹聞貫破虜故欲見之因使覘  
國策之善者也使還益展舊廟謨兵柄皆屬焉遂請進築夏國  
橫山以太尉為陝西河南河北宣撫使俄開府儀同三司發書  
樞密院河北兩房不三歲領院事更武信武寧護國河東山  
南東道劔南東川等九鎮太傅涇國公時人稱蔡京為公相因  
稱貫為媼相將秦晉銳師深入河隴薄於蕭關古骨龍謂可制

夏人死命遣大將劉法取朔方法不可貫通之曰君在京師時  
親愛於王所自言必成功今難之何也法不得已出塞遇伏  
而死法西州名將既死諸軍怕懼貫隱其敗以捷聞百官入賀  
皆切齒然莫敢言閼右既困夏人亦不能支乃因遣人遠誓表  
納款使至授以誓詔辭不取貫強館伴使固與之還及境棄諸  
道上監制熟羌不授漢官貫故引拔之有至節度使者弓箭手  
失其分地而使守新疆禁卒逃亡不死而得改隸他籍軍政盡  
壞政和元年副鄭久中使于遼得燕人馬植歸薦諸朝遂造平  
燕之謀選健將勁卒刻日發命會方臘起睦州勢甚張改江浙

淮南宣撫使即以所聚兵帥諸將討平之進貢太師從國楚然  
臘雖平而北伐之役遂起既而以復燕山功詔解節鉞為三公  
加封徐豫西國越兩月命致仕而伐以諱旗明年復起領樞密  
院宣撫河北燕山宣和七年詔用神宗遺訓能復全燕之境者  
胙本邦疏王爵遂封廣陽郡王是年粘罕南侵貫在太原遣馬  
攜辛興宗往聘以膏金金人以納張穀為責且遣使告興兵貫  
厚禮之謂曰如此大事何不素告我使者勸貫速割兩河以謝  
貫氣褫不能應謀遁歸太原守張孝純諫之曰金人渝盟王當  
令天下兵悉力枝梧令委之而去是棄河東與敵也河東入敵

手奈河北乎。貫怒叱之曰：「貫受命宣撫，非守土也。君必欲留貫，置帥何為？」孝純拊掌嘆曰：「平生童太師作幾許威望，及臨事乃蓄縮畏懼，奉頭鼠竄，何面目復見天子乎？」貫奔入都，欽宗已受禪，下詔親征，以貫為東京留守。貫不受命，而奉上皇南巡。貫在西邊募長大少年，號勝捷軍，幾萬人，以為親軍。環列第舍，至是擁之自隨。上皇過浮橋，衛士攀望號慟。貫唯恐行不速，使親軍射之中矢，而踣者百餘人。道路流涕。於是諫官御史與國人議者，盡起。初，貶左衛上將軍，連謫昭化軍節度副使、竄之英州。吉陽軍行未至，詔數其十大罪，命監察御史張徵迹其所至，莅斬。

之及於南雄既誅幽首赴關景于都市貫控兵二十年權修一  
時奔走期會過於制敕嘗有論其過者詔方劾往察劾一動一  
息貫悉偵得之先密以曰且臨以他事劾反得罪遂死貫狀魁  
梧偉觀視順下生須十數皮骨勁如鐵不類閭人有度量能錄  
財後宮自妃嬪以下皆獻餉結內左右嬖寺維譽言日聞寵嬖  
俞赫庭戶雜還成市岳牧輔弼多出其門所養僕圉官諸使者  
至數百輩窮姦稔禍流毒四海雖蘊醢不償責也

馬莊即趙良嗣也

論曰兵者國之大事而將則三軍之司命國之輔也可不慎  
與大易於師蓋詳哉其言之矣曰大人吉弟子凶明將非其

人則執言雖利尚不免於與尸耳童貫少出李憲之門性本  
善伺志復邀功寢至東征北伐進止自由壞亂軍政流毒四  
方汴宋之亡形已成而貫且侈然使相矣俄而三公矣又傢  
而胙土䟽王爵矣馴致金人敗盟宗社岌岌而始竄之殛之  
嗟何及乎然後益信聖人之慮遠而王者欲懷萬邦慎不可  
輕三錫之命於小人也



歷代內侍考卷之十三

旒集

宋

邵成章

邵成章欽宗朝內侍也帝入青城命成章衛皇太子赴宣德門稱制行事太子北去成帝留于汴原王將即位元祐太后遣成章奉束輿服御至南京泛幸揚州金人掠陝西京東諸郡群盜起山東黃潛善汪伯彥匿不以聞及張過焚真州公行在六十里帝亦不之知也成章上疏條具潛善伯彥之罪曰必誤國且申潛善等使聞之帝怒除名南雄州編管侍御史馬伸言成章

緣上書得罪今是何時以言為諱久之帝思成章忠直名並行  
在其徒忌之譖於帝曰劾九百來陛下無歡樂矣遂止之于洪  
州金人入洪聞其名訪求得之謂之曰知公忠正能事吾主可  
坐享富貴成章不應脅之以威亦不沒金人曰忠臣也吾不忍  
殺遺之金帛而去

論曰高宗間閭嶮難倣息一隅此何異趙王樓會稽時而汪  
黃交蔽使晁旒以前絃續之外一切不見不聞幾何不為靖  
康之續哉賴邵成章發憤陳言條具其罪帝不第瑱真之而  
除名編管以飾其怒斯豈中興令主之作用乎當不共戴天

之虜正卧薪嘗膽之秋而區區以歡樂故棄一忠直近侍幾  
遺敵人則又奚望其能中興也獨不思明受之變毋亦左右  
近習日與供歡樂者啟之釁邪

梁師成

楊戩

附李彥

梁師成字守道，慧黠習文法，稍知書。初隸實詳書藝局，詳死得領睿思殿文字外庫主出外傳道上旨，政和間得君貴幸至，竄名進士籍中。積遷晉州觀察使，興德軍留浚，建明堂為都監。既成拜節度使，加中太一神霄宮使，歷護國鎮東河東三節度。至檢校太傅，遂拜太尉，開府儀同三司。換節淮南時，中外恭寧，徽宗留意禮文符瑞之事。師成善逢迎，希恩寵。帝本以隸人畜之，命入處殿中，凡御書號令皆出其手。多擇善書吏習，倣帝書雜詔旨以出。外廷莫能辨。師成實不能文，而高自標榜，自言蘇軾

出子是時天下禁誦軾文其尺牘在人間者皆毀去師成訴於  
帝曰先臣何罪自是軾之文乃稍出以翰墨爲己任四方雋秀  
名士必招致門下往往遭點污多置書畫奉軸於外舍邀賓客  
縱觀得其題識合意者輒密加汲引執政侍從可階而升王黼  
父事之雖蔡京父子亦諂附焉都人目爲隱相所領職局至數  
十百黼造伐燕議師成始猶依違卒乃贊決又薦譚稹爲宣撫  
燕山平策勳進少保益通賄譟人士入錢數百萬以獻頌上書  
爲名令赴廷試唱第之日侍於帝前囁嚅升降其小吏儲宏亦  
豫料甲而執廝養之役如初李彥括民田於京東西所至倨坐

堂上監司郡守不敢抗禮有言於帝師成適在旁抗聲曰王人雖微序於諸侯之上豈足為過言者懼而止師成貌若不能言然陰賊險鷲遇問即發家居與黼隣帝幸黼第見其交通狀已怒朱勔又以應奉與黼軋因乘隙攻之帝罷黼相師成由是益絀郅王楷寵盛有動搖東宮意師成能力保護欽宗立嬖臣多從上皇東下師成以舊恩留京師於是太學生陳東布衣張炳力疏其罪炳指之為李輔國且言宦官表裏相應變恐不測京復論其有異志懷宣哀功當正典刑帝迫於公議猶未誦言逐之師成疑獲食不離帝所雖奏厠亦侍於外久未有以殺害鄭

望之使金營還帝命師成及望之以宣和殿珠玉器玩彼往先  
令望之詣中書諭宰相至則留之始詔暴其罪責為彰化軍節  
度副使開封吏護至貶所行次八角鎮縊殺之以暴死聞籍其  
家

楊戩少給事掖庭主掌後苑善測伺人主意自崇寧後日有寵  
知入內侍省立明堂鑄鼎鼎起大晟府龍德宮皆為提舉政  
和四年拜彰化軍節度使首建期門行幸事以固其權勢與梁  
師成埒歷鎮安清海鎮京三鎮由檢校少保至太傅遂謀摠東  
宮有胥吏杜公才者獻策於戩立法索民田契自甲之乙乙之

兩展轉究尋至無可證則度地所出增立賦租始於汝州浸淫  
於京東西淮西北括廢墾棄墮荒山退灘及大河淤流之處皆  
勒民主佃額一定後雖衝蕩回復不可減號為西城所築山濼  
古鉅野澤綿亘數百里濟鄆數州賴其蒲魚之利立租算船納  
直犯者盜執之一邑率於常賦外增租錢至十餘萬緡水旱蠲  
稅此不得免擢公才為觀察使宣和三年戩死贈太師吳國公  
而李彥繼其職彥天資狠愎密與王黼表裏置局汝州臨事愈  
劇凡民間美田使他人投牒告陳皆指為天荒雖執印券皆不  
省魯山閭縣盡括為公田焚民故券使田主輸租佃本業訴者



輒加威刑致死者千萬公田既無二稅轉運使亦不為奏除悉  
均諸別州京西提舉官及京東州縣吏劉奇任輝彥李士漁王  
潁毛孝立王隨江惇呂垕錢械宋憲皆助彥為虐如奴事主民  
不勝忿痛前執政冠帶操笏迎謁馬首獻媚花朝夕造請賓客  
徑趨謁舍不敢對之上馬而彥處之自如發物供奉大抵類未  
勦凡竹數竿用一大車牛驢數十頭其數無極皆責力於民經  
時閱月無休息期農不得之田牛不得耕墾殫財靡帛力竭餓  
死或自縊轅輒問如龍鱗薛荔一本輦致之費踰百萬喜賞怒  
刑禍福轉手因之得美官者甚眾潁昌兵馬鈐轄范寥不為取

竹誣刊蘇軾詩文於石為十惡朝廷察其据撫亦令勒停當時  
謂朱勔結怨於東南李彥結怨於西北靖康初詔追戮所贈官  
爵彥削官賜死籍其家劉寄以下十餘人皆停廢復覓寒官

論曰梁師成手不握兵符足不履邊圉第以翰墨自任而一  
時人士驚走其門即巨姦如蔡京敢於格使相之詔而不敢  
不媚師成則以媚相之長檣大劔不惜於隱相之毛錐耳楊  
戩橫賦虐民民不堪命而李彥承之益致其毒勞者弗息饑  
者弗食盡驅元元之命斃盡燹而踣道路天下惡得不亂乎  
嗟呼道君之寵秩閹人厚矣而卒不免於此狩繇童貫以軍

旅師成以翰墨戡彥以賦歛相與之駕耳悲哉其養蛇虺以自  
螫也

藍珪 康履 馮盆 張去為

藍珪康履初皆為康王府都監入內東頭供奉官嘗從康王使金人行營及開元帥府蓋主管機宜文字朝廷遣人趣師入援履等請王留相州王叱之而行既即位二人俱恃恩用事履尤妄作威福大將如劉光世等多曲意事之帝知之詔內侍不許與統兵官相見達者停官編隸履終無所忌憚與內侍曾擇凌忽諸將或踞坐洗足立諸將於左右聲喏甚至馬前故疾之者眾俄遯內侍省押班金州觀察使帝在揚州金兵卒至帝馳馬出門百官不戎備逆行者惟履等五六人自是履等益自銜愈

有輕外朝心及幸浙道吳江其黨競以射鴨為樂比至杭州江  
下觀潮中官供帳赫然遮道統制苗傳等切齒曰此輩使天子  
至此猶敢爾邪傳幕客王世脩亦疾中官恣橫以告武功大夫  
劉正彥正彥曰會當共除之王淵濟樞筦正彥以為由宦者所  
薦愈不平謀遂決伏兵斬淵遣兵圍履家分捕中官凡無須者  
皆殺之履馳入白帝傳等至厲聲曰陛下信任中官凡中官所  
主者皆得美官王淵遇賊不戰交康履得樞密中官在外者已  
誅更乞康履藍珪曾擇等誅之以謝三軍帝不忍除傳等官以  
安之傳等曰欲速官第須控兩匹馬與內侍何必至此帝問百

官策安出。主管浙西機宜文字時希孟曰：「中官之為患至此，盡矣。不除之，天下之患未已。」軍器監葉宗諤言：「陛下何惜一原履，不以慰三軍？帝不得已，遣人執履至。履望帝，呼曰：『大家何獨殺臣？遂以付傅。』即腰斬之，梟其首。帝幸睿聖宮，傅等留內侍十五人奉左右。尋，柄珪、擇等皆編置遠州。擇，昭州行一程，追還斬之。傅等誅，贈履官諡，崇節。召珪等還中書舍人。李陵言：「中官復召其黨與相賀，氣燄益張，中外切齒，不報。」珪至，自武功大夫擢內侍省押班。慈寧宮建，命提點事務。尋升內侍省都知。及迎太后，命克都大主管。太后既還宮，珪奏應干補受恩，乞聽慈寧宮施。

行。迄之。珪初與履同進。而驕橫不及履。故幸以壽終。有安石者。與珪同姓。為內侍省副都知。至景福殿使。湖州觀察使卒贈保寧軍節度使。謚良恪。渡江後。中官贈謚自安石始。又有與履同姓者。名譔。為內侍省押班。亦親幸用事。與知閣門事藍公佐善。每邀公佐至其直舍。必縱飲大醉。薄莫乃歸。嘗漏泄禁中語。劉光遠初劾譔。與內侍陳永錫受其金。力為營救。言官劾之。帝詔永錫與祠。譔送吏部。後累官至均州觀察使。卒。贈保信軍節度使。謚忠宣。

馮益。康王邸舊人也。王即位。自入內東頭供奉官。遷至幹辦御

藥院尋燕幹辦皇城司恃恩驕恣帝幸涿東益與御前右軍都統制張俊爭渡以語侵俊且訴於帝事下御史臺侍御史趙鼎言明受之變起於內侍覆轍不可不戒事乃已紹興三年授武功大夫康州防禦使帶御器械時帝用侍御史常同言詔皇城司並隸臺察益言非祖宗舊制帝為追寢前詔特遣宣政使益自言藩邸舊吏乞加恩遂升明州觀察使內厩舊有駢驥院官並請別置御馬院自領其事又擅穿皇城便門侍御史沈與求以為言趙鼎等皆患之會劉豫搆榜山東言益遣人收買飛鵠因有不遜語張俊請斬益以釋謗帝不許鼎言事關國體當



解職加罰帝喜曰聞益交問外事漸不可長與祠放歸淩意示  
息鼎解之益自是家居廩祠者十四年先是偽柔福帝姬之來  
自稱為王貴妃李女益自言嘗在貴妃閣帝遣之驗視益為所  
詐遂以真告及事覺益坐驗視不實送昭州編管尋以與皇太  
后連姻得免十九年卒于家

張去為內侍張見道養子也初為章太后宅提點官累遷至安  
德軍承宣使帶御器械又遷內侍省押班時見道為入內侍  
省押班父子並充景福殿使去為寢有寵請以一官回授見道  
帝嘉而許之其後見道以保康軍承宣使致仕而去為與秦檜

王繼先俱用事。升延福宮使。累遷至入內內侍省都知。恃恩干  
外朝謀議。金兵將至。遣使來出。慢言以相懼。去為陰沮用兵。進  
幸蜀之計。宰相陳康伯力非之。帝悟而止。侍御史杜莘老乞斬  
去。為以壯士氣。先是去為取御馬院西兵二百人。髡其頂。鬻都  
人駭之。莘老復劾其罪。帝不得已。令去為致仕。莘老亦出補外。  
及內禪。詔落致仕。提舉德壽宮行移。如內侍省。仍鑄印賜之。脩  
宮有勞。又特遷安慶軍承宣使。初安恭后入宮。去為實進之。后  
崩。上皇又遣去為傳旨立。謝貴妃為后。故亦貴重。然至死不復  
涉朝廷事。

論曰中官自仁宗時浸撓帥權然第敢危法中軍校耳迨童  
貫梁師成始益尊大迄乎渡江餘燭猶熾康履等丁播遷之  
會身不任汗馬之勞射鴨觀潮全忘緯恤諸將出萬死一生  
以悍半壁之天下而顧敢傲然凌忽奴虜視之即微苗劉亦  
豈無激而生變者乎二兇雖狂詩然樓下數語切中膏肓吾  
不知高宗於是時將何以施面目也至如馮益爭渡去為覓  
兵其中有一如苗劉者明受之變不幾再見邪嗚呼李志道  
以赦恩復官容機以退閑復起劉炎以禁市通姦利李璘以  
飲酒刃弓人帝雖迫於人言勉從罷斥而卒不忍終寘之法

易曰。莧陸夬夬。中未光也。高宗如此舉動。雖其外亦不得為  
光矣。挽帥權者中官閹士良也。禁市者禁中市也。

陳源 井昇 王德謙

陳源淳熙中提舉德壽宮頗有寵俄帶涖西副總管給事中趙汝愚言內侍不當干軍政遂罷源恃恩颺恣本宮書史徐彥通者為源掌家務不數歲官至經武大夫甄士昌源廝役也工理髮奏補承信郎又補臨安府都吏李庚以官使之窺伺府事孝宗聞而惡之十年春詔源應奉日久特落階官與京祠給事中宇文价封還錄黃改外祠臺官黃洽等又劾之乃謫源建州居住籍其貲進德壽宮彥通除名道州編管士昌庚皆抵罪言者猶未已移源郴州源有園名小隱其制視禁禁有加高宗以賜

王才人光宗即位復召還紹熙四年自拱衛大元永州防禦使  
除入內侍省押班帝以疾不朝重華宮源與內侍楊舜卿林  
億年數有間言寧宗即位命三人俱事元宗於泰安宮御史章  
穎論其離間君親乞行誅竄以慰壽皇在天之靈詔罷源等官  
源撫州億年常州居住舜卿任便居住慶元二年以生皇子懸  
源億年許自便舜卿與內祠給事中汪義端駁之乃移源婺州  
億年湖州義端再駁舜卿內祠反坐外補其後源等卒聽自便  
億年養娼女以別業源在縣所與妓盜俱以淫媒聞人疑其非  
宦者云

并昇內侍省押班澤之子澤之死昇累遷亦至押班乾道中帝  
頗親昇昇以此用事臨安尹胡與可為小官時馬貸於臨安富  
民馬氏不如欲銜之至是馬以營官監踰裕繫獄與可認有司  
以私鹽論御史陳升卿決獄平反之昇之子嬭與可女也乃陰  
為與可地諧升卿于帝前謂為豪民馬請事所得至萬緡上疑  
遂論罪馬流嚴州升卿由是罷去時曾覲以使弼領京祠王抃  
以知閣門兼樞密都承旨昇為入內押班相與盤結士大夫無  
恥者爭附之既而覲死抃逐獨昇在朱熹力言之帝曰昇乃德  
壽宮所薦謂有才耳熹曰姦人無才何以動人主昇用事二十

年把權市賄黃由堽策亦頗及之後帝察其姦遂抵之罪籍其  
貲竟以廢死弟昌溥熙末幹辦內東門司帶御器械光宗朝累  
遷至親衛大夫保康軍承宣使授舉祐神觀慶元初為內侍省  
都知帝過壽康宮昌有力焉遷官二秩頗貴寵

王德謙初為嘉邸都監頗親幸孝宗大漸光宗以疾久不朝重  
華宮黃由時為王府贊讀奏請嘉王詣重華宮問疾既得旨德  
謙固請覆奏王斥之遂行孝宗崩王在喪次中外洎洎王以告  
直講彭龜年龜年以為建儲則人心安須白中宮乃可即諭德  
謙奏之皇太后德謙不敢強之既而無報王即位德謙累遷詔



廢軍承宣使內侍省押班賜居第驕恣踰法服食擬乘輿出入  
或以導駕燈籠自奉為人求官職以巨萬計泄其事者禍立至  
故外朝多附之中書舍人吳宗旦事之尤謹夜則易服造謁德  
謙求為節度使先薦宗旦為刑部侍郎直學士院將使草麻宗  
旦先備草示之引天寶同光為比德謙喜制出參政何澹不肯  
署諫議大夫劉德秀率臺諫論列宰相京鏜復以為言命遂寢  
韓侂冑與德謙爭用事德謙累以計勝侂冑擠之詔與外祠臺  
諫又交章論駁侍御史姚愈言吳宗旦嘗草德謙制遂罷其官  
愈又率同列力攻德謙詔送廣德軍居住尋以臨安尹劾其賊

濫僭擬詔降園練使移居撫州他事勿問中書舍人高文虎請  
改為安置臺諫復言其姦說乞自今不以赦移雖特旨亦許執  
奏帝用其言德謙遂坐廢斥以死

論曰童貫梁師成之橫高宗親耳而目之而登壇一詔亦既  
錮其子孫以示明誠而卒無奈中官何也又以其患遺之後  
人是故陳源嘗提舉德壽宮并昇德壽宮所薦以為才者而  
源盜名器私其隸役昇區區為子嬖戚誣富室而逐執法之  
臣孝宗稱南渡英主僅斥源而幾為昇所惑焉其後昇幸廢  
死而源復用事遂與林億年等交構兩宮卒陷光宗於不孝

重華不得見其子嘉王不得面文禪於其父非德壽宮而孰  
遺之患哉王德謙嘉王親幸而陰尼重華之朝又蓄縮於建  
儲之奏此於緩急奚賴顧寵秩之俾日驕橫而犯上亡等也  
向令不有仇胄有仇胄矣而不有劉德秀諸姦黨為之羽翼  
則德謙不終以計勝而益肆其橫乎雖然計勝則德謙橫黨  
勝則仇胄橫吾未見任外戚果賢於任中官也

高宗禪位後居德壽宮孝宗後居之稱重華宮

白謬

秦檜以洪皓侃直銜之次骨嫉侍御史李文劾皓不省母出知  
饒州明年大水中官白謬宣言焚理乖盤洪尚書名聞天下乃  
不用此災所浚致諫官詹大方遂論皓與謬為刎頸交更相推  
譽罷授舉江州太平觀流謬領表然謬特浚太后在金知皓名  
云然初不識皓也

論曰洪忠宣秦檜白謬皆自金還者也忠宣不屈粘罕流遞  
冷山而檜為粘罕草檄其人之賢不肖謬在虜中知之熟矣  
侃侃宣言激於義也豈相重哉乃檜為虜間而忠宣斥謬又

以忠宣故流也。悲夫。叔寶全無心肝。吾於高宗亦云。

開禮

開禮高宗朝宦者淳熙末積官至親衛大夫保信軍承宣使孝宗頗親信之後命提舉重華宮孝宗崩光宗疾不能執喪樞密趙汝愚等請建儲以安人心光宗御批又有念欲退閑語丞相留正懼納祿去人心愈搖汝愚遣戚里韓侂胄因內侍張宗尹以禪位之議奏太皇太后曰此豈可易言明日汝愚再遣侂胄附宗尹以奏未獲命而侂胄退與禮遇禮知其意問之侂胄不以告禮指天自誓不言侂胄遂白其事禮即入宮泣告太后以時事可愛之狀且曰留丞相已去所恃者趙知院耳今欲置大

計而無太后太后之命亦將去矣太后驚曰知院同姓也事體  
與他人異禮曰知院未去恃有太后耳今有請不許計無所出  
亦惟有去而已知院去天下將若何太后悟遂命禮傳旨仇冑  
以諭汝愚約明日太后垂簾上其事又明日嘉王入行禪祭汝  
愚即簾前進呈御批太后遂命王即皇帝位尋除禮入內侍  
省都知又美燕室華宮慈福宮承受充提舉皇城司選中侍大  
夫禮不以功自居乞致仕不許乞免推恩又不許南渡後內侍  
可稱者惟邵成章與禮云

論曰嗚呼當紹熙甲寅之歲其宇宙間一大變乎夫親喪人

子所自致無貴賤一也。壽皇以是歲正月遘疾。至六月戊戌而崩。光宗制於悍后。子道日虧。是故玉津園可幸。而重華宮弗過也。朝可視而大行勿臨也。祭可以太后攝而儲弗達也。御批八字。豈人子哀痛時語也。如果帝意。則喪禮絕於君父。而母后代乎嗣皇。樊倫攸斁。非宇宙間一大變乎。嗟嗟。於是時也。嫌隙易生。禍患叵測。留丞相不敢留。王德謙不敢奏。張宗尹不得請。而韓侂胄遂<sup>且</sup>巡退矣。一趙知院獨如大事何。幸關禮入見。太后垂簾。知院承旨嘉王始得以就素幄。踐天子位。而主禋祭之。豈蓋自初廟迄乎舉禮。凡二十有七日前此。



執喪之位猶虛也。又非宇宙間一大變乎。然則禮之功幾與  
宣策者相伯仲矣。歟。然不居而丐退讓。是賢矣哉。

## 董宋臣

董宋臣理宗朝宦者。淳祐中以睿思殿祇候。特轉橫行官。寶祐三年。兼幹辦佑聖觀侍御史。洪天錫劾之不報。天錫坐死。遂大理少卿。開慶初。元兵駐江上。京師大震。宋臣贊帝遜幸寧海軍。簽判文天祥上疏乞誅宋臣。又不報。景定四年。自保康軍承宣使除入內侍省押班。尋兼主管太廟。往來國信所。同提點內軍器庫。翰林院編修。敕令所都大提舉。諸司提點。顯應觀主管。景獻太子府事。會天祥以著作佐郎兼景獻府教授。義不與宋臣聯事。上書求去。天祥出知瑞州。言者論宋臣不置。帝曲為諭。

解庇之秘書少監湯漢上封事亦言宋臣十餘年來聲焰薰灼其力能去臺諫排大臣至結兇渠以致大禍中外惶惑切齒而陛下為之辨明大臣方為之和解此過計也願收還押班等除命不勝宗社之幸疏入帝亦不之省六月命主管御前馬院及酒庫既卒帝猶命特轉節度使其兄寵愛如此

論曰英宗於汴宋稱中材耳其待內侍未數數然也故韓琦得以初造守忠而呂誨傳亮俞得以論罷王昭明李若愚等鈐轄之命呂嘗以私人拂外庭公論哉南渡若理宗非不崇尚理學褒獎忠賢而重宋臣馮依驕橫聲焰赫然至以閹羅

目之一時廷臣年子才論之而不聽湯漢論之而不聽池元  
堅趙崇潔李昂英等論之而不聽洪天錫文天祥以去留決  
之而不聽雖吳民以牧田控之而不聽宋臣方且引衆人祛  
端士逐相臣恬不爲異一知州言及內庫既諷臺諫劾而罷  
之而且曲爲諭解抑何眷眷不能割也毋亦聲色宮室之好  
足以中帝之心而不覺神爲之藉乎是故起梅堂開芙蓉閣  
建香蘭亭倡台優入宮禁此皆宋臣所爲熒惑主心而自固  
其寵者也盧允升雖亦用事恐笑手不若宋臣易熱矣及元  
兵剝膚遶燧告警宋臣駭然喪膽亟請遷都而微軍器大監

何子舉言諸吳潛則崖山之覆已見於開慶之元而區區寵一宋臣竟美益哉吾嘗方宋於漢仁如文英如景神如武高宗光武之罪人而理宗桓靈靡耳雖然理宗末年以臺臣言而罷李忠輔豈亦悔心之萌乎獨奈何眷眷一宋臣即以病請祠而猶予告也

餘人丁大全也端士洪天錫等相臣譏方叔知州知嚴州吳棣諷臺諫邵澤也

歷代近侍考卷之十四

旒集

遼

王繼恩 趙安仁

王繼恩，棣州人。睿知皇后南征，繼恩被停。初，皇后以公私所獲十歲以下兒，容貌可觀者，近百人，載赴涼陘，並使閹為監。繼恩在焉，聰慧通書，及遼語，擢內謁者。內侍左廂押班，聖宗親政，累遷尚衣庫使、左承宣、監門衛、大將軍、靈州觀察使、內庫都提點。繼恩好清淡，不喜權利，每得賜賚，市書至萬卷，載以自隨，誦讀不倦。每宋使來聘，繼恩多充宣賜，使後不知所終。

趙安仁字小喜。汝州樂壽人。自幼被俘。統和中。為黃門令。秦晉國王府祇候。王亮授內侍省押班。御院通進。開泰八年。與李勝哥謀奔南土。為游民所擒。初。仁德皇后與欽哀有隙。欽哀密令安仁伺皇后動靜。無不知者。仁德皇后威權既重。安仁懼禍。復謀亡歸。仁德欲誅之。欽哀以言營救。聖宗曰。小喜言父母兄弟俱在南朝。每一念神魂。隕越。今為忍親。冒死而亡。亦孝子用心。實可憐憫。赦之。重熙初。欽哀攝政。欲廢帝立少子重元。帝與安仁謀。遼太后慶州守陵。授安仁左承宣。監門衛大將軍。充契丹漢人渤海內侍都知。魚都提點。會上。思太后親馭奉迎。太后責

曰汝負萬死我嘗營救不望汝報何為離間我母子邪安仁無  
咎後不知所終

論曰王繼恩好清談喜誦讀而濫於權利其猶賢乎趙安仁  
始附欽哀而偵嫡后復附嗣君而遷生母反覆變詐離間骨  
肉真負萬死矣儻與宗無大隧之悔則欽哀不為仁德之續  
乎雖然自述律太后已不免祖州之遷豈遼倍固然不足為  
異邪



金

梁琬 宋珪 潘守恒

梁琬本大吳家奴隨元妃入宮以閹監事海陵琬性便佞善迎合特見寵信舊制宦者惟掌掖宮閤之事天德三年始以王元道為內藏庫使衛愈梁安仁皆以宦官領內藏海陵謂元道等曰人言宦者不可用朕以為不然後唐莊宗委張承業以軍竟立大功此中豈無人乎為卿等宜悉此意帑藏之物皆出民力費十致一當糾察姦弊犯者必罰無赦宦者始與政事而琬委任尤甚累官近侍局使及營建南京宮室海陵數使琬往視

工役是時一殿之費已不可勝計。玠或言其未善，即盡撤去。雖丞相張浩亦曲意事之。與之均禮。海陵欲伐宋，玠因極言。宋劉貴妃絕色，傾國。海陵大喜，及南征將行，命縣君高師姑先貯衾褥之新潔者，俟得劉貴妃用之。議者言玠與宋通謀，勸帝伐宋，徵天下兵以疲敝中國。海陵至和州，聞玠與宋人交通有狀，謂玠曰：聞汝與宋國交通，傳泄事情，汝本奴隸，朕拔擢至此，乃敢爾耶？若至江南，詢得實跡，殺汝亦未晚也。又謂校書郎田興信曰：爾面目亦可疑，必與玠同謀者。皆命執於軍中。海陵過弒玠，興信皆為亂軍所殺。

宋珪本名乞奴燕人也。為內侍殿頭。宣宗嘗以元夕欲觀燈戲。命乞奴監作。乞奴諄語去社稷。棄之中都。而京作燈戲有何看耶。宣宗微聞之。杖之二十。既而悔之。有旨宣諭。哀宗放鵝後苑。鵝逸去。勅近侍追訪之。市中一農民臂此鵝。近侍不敢言。宮中逸者。百方索之。農民不與。與之物直僅乃得。事聞。哀宗欲送其人於有司。乞奴從旁諫曰。貴畜賤人。豈可宣示四方。哀宗惡其大訐。又杖之。尋亦悔。賜物慰遣之。及哀宗至歸德。馬軍元帥蒲察官奴為變。殺左丞李璣。參政石盞女魯歡以下從官三百餘人。倉皇之際。哀宗不得已。以官奴權參知政事。既而所制含恨。

欲誅之未能也。及官奴往亳州，珪陰與奉御吾古孫愛宴，納蘭  
忒谷護衛女奚烈完范陳僧王山兒等謀誅之。官奴自毫還，哀  
宗御臨漪亭，詔參政張天綱及官奴議事。官奴入見，珪等即泛  
旁殺之。及其黨阿李合白進習顯及蔡城破，哀宗自縊於幽蘭  
軒。珪與完顏斜烈焦春和等皆泛死。有潘守恆者，亦內侍也，素  
稱知書。南遷後，規益甚多。哀宗自蒲城走歸德，道次民家，守恆  
進櫛曰：「願陛下還宮之日，無忘此草廬中更加儉素，以濟大業。」  
上聞其言，悽惋咨嗟久之。

論曰：海陵淫侈，其天性也。梁統將而迎之，如恐不及，其與海

陵同斃宜哉。梁道勸章宗納李妃。李新喜與李妃立衛王。李  
思忠弒衛王。而叱胡沙虎始末雖無可攷。其為國蠹可知也。  
宋珪潘守恒雖時進諷諫。亦奚裨於顛覆乎。然珪之殉難守  
恒之知體。不可謂非傭中佼佼者矣。

李新喜與李妃議立衛王。永濟守恒謂此大事。宜召大臣  
謀之。史稱其知體。

元

李邦寧

李邦寧字叔固錢唐人初名保寧宋故小黃門也宋亡泛瀛國公入見世祖命給事內庭警敏稱上意令學國書及諸蕃語即通解遂見親任授御帶庫提點陞章佩少監遷禮部尚書提點太醫院使成宗即位進昭文館大學士太醫院使帝嘗寢疾邦寧不離左右者十餘月武宗立命為江浙行省平章政事邦寧辭曰臣以奄腐餘命無望更生先朝幸赦而用之使得承乏中涓高爵厚祿榮寵過甚陛下復欲置臣宰輔臣何敢當宰輔者

佐天子共治天下者也。奈何辱以寺人。陛下縱不惜臣。知天下後世何誠不敢奉詔。帝大悅。使大臣白其言于太后及皇太子。以彰其善。帝嘗奉皇太后燕大安閣。閣中有故篋。問邦寧曰。此何篋也。對曰。此世祖貯衣帶者。臣聞有聖訓曰。藏此以遺子孫。使見吾朴篋。可為華侈之戒。帝命發篋視之。歎曰。非御言。朕安知之。時有宗王在側。遽曰。世祖雖神聖。然畱於財。邦寧曰。不然。世祖一言無不為後世法。一予奪無不當。功罪且天子所入。雖富苟用不節。必致匱乏。自先朝以來。歲賦已不足用。入數會宗藩資費無其旦暮不給。必將橫歛。培怨。豈美事耶。太后及帝深

然其言俄加大司徒尚服院使選授丞相行大司農領太醫院  
事階金紫光祿大夫太廟舊嘗遣官行事至是復欲如之邦寧  
諫曰先朝非不欲親政饗祀誠以疾廢禮耳今陛下繼成之初  
正宜開張孝道以率先天下躬祀太室以成一代之典循習故  
弊非臣所知也帝稱善即日備法駕宿齋宮且命邦寧為大禮  
使禮成加恩三代曾祖願贈銀青光祿大夫司徒諡敬懿祖德  
懋贈儀同三司大司徒諡忠獻父撝贈太保開府儀同三司諡  
文穆仁宗即位以邦寧舊臣賜鈔千錠辭弗受國學將釋奠教  
遣邦寧致祭於文宣王點視畢至仁立殿戶方闢忽大風起殿



上及兩廡燭盡滅燭臺底鐵鐫入地尺無不拔者邦寧悚息伏地諸執事者皆伏良久風定乃成禮邦寧因慚悔累日初仁宗為皇太子丞相三寶奴等用事畏仁宗英明邦寧揣知其意言於武宗曰陛下富於春秋皇子漸長父作子述古之道也未聞有子而立弟者武宗不悅曰朕志已定汝自往東宮言之邦寧慚懼而退仁宗即位左右咸請誅之仁宗曰帝王曆數自有天命其言何足介懷加邦寧開府儀同三司為集賢院大學士以疾卒

論曰李邦寧亡國奄人也以警敏見親歷事四朝榮躋極品

雖亦時進讜言而陰揣時相之私意欲搖已樹之副君其言  
則是其人不乏取也致祭文廟先師固必不歆矣大風滅燭  
皇天威怒可畏哉

朴不花

朴不花高麗人亦曰王不花皇后奇之微時與不花同鄉里相  
為依倚及選為宮人有寵遂為第二皇后居興聖宮生皇太子  
愛猷識理達臘於是不花以閹人入事皇后者有年皇后愛幸  
之情意甚膠固累遷官至禁祿大夫資正院使資正院者皇后  
之財賦悉隸焉至正十八年京師大饑疫時河南北山東郡縣  
皆被兵民之老幼男女避居聚京師以故死者相枕籍不花欲  
要譽一時請於帝市地收瘞之帝賜鈔七千錠中宮及興聖隆  
福兩宮皇太子皇太子妃賜金銀及他物有差省院施者無算

不花出玉帶一金帶一銀二錠米三十四斛麥六斛青貂銀鼠裘各一襲以為貴擇地自南北兩城抵盧溝橋掘深及泉男女無墻人以一屍至者隨給以鈔畀負相踵既覆土就萬安壽慶寺建無遮大會至二十年四月前後瘞者二十萬用鈔二萬七千九十餘錠米五百六十餘石又於大悲寺修水陸大會三晝夜凡居民病者予之藥不能喪者給之棺翰林學士承旨張翥為文頌其事曰善惠之碑於是帝在位久而皇太子春秋日盛軍國之事皆其所臨決皇后乃謀內禪皇太子而使不花喻意於丞相太平太平不答二十年太子乃罷去而獨搆思監為丞

相時帝益獻政不花承間用事與搠思監相為表裏四方警報將臣功狀皆抑而不聞內外解體然根株盤固氣焰薰灼內外百官趨附之者十九又宣政院使脫歡與之同惡相濟為國大蠹二十三年監察御史也先帖木兒孟也先不花傳公讓等乃劾奏朴不花脫歡奸邪當屏黜御史大夫老的沙以其事聞皇太子執不下而皇后庇之尤固御史乃皆坐左遷治書侍御史陳祖仁連上皇太子書切諫之而臺臣大小皆辭職皇太子乃為言於帝令二人皆辭退而祖仁言猶不已又上皇帝書言二人亂階禍本今不芟除後必不利漢唐李世其禍皆起此輩而

權臣藩鎮乘之故千尋之木存舟之魚其腐敗必由於內陛下  
誠思之可為寒心臣願俯從臺諫之言將二人特加擯斥不令  
以辭退為名成其姦計海內皆知陛下信賞必罰自此二人始  
將士孰不効力寇賊亦皆喪膽天下可全而有以還祖宗之盛  
若優柔不斷彼惡日盈將不可制臣寧餓死於家誓不與同朝  
牽聯及禍語具陳仁祖傳會御史李國鳳亦上書皇太子言不  
花驕恣無上招權納賂奔競之徒皆出其門駁有趙高張讓  
田令牧之風漸不可長衆人所共知之獨主上與殿下未之知  
耳自古宦者近君親上使少得志未有不為國家禍者望殿下

思履霜堅冰之戒。早賜奏聞。投之西夷。以快衆心。則紀綱可振。紀綱振。則天下之公論為可畏。法度為不可犯。政治修而百廢舉矣。由是帝大怒。國鳳祖仁等亦皆左遷。時老的沙執其事。願力皇太子回惡之。而皇后又譖之於內。帝以老的沙母舅。故封為雍王。遣歸國。已而復以不花為集賢大學士。崇正院使。皇后之力也。老的沙至大同。遂留寺羅帖木兒軍中。是時搠思監朴不花方倚擴廓帖木兒為外援。怨寺羅帖木兒。匿老的沙。不遣。遂誣寺羅帖木兒與老的沙謀不軌。二十四年。詔削其官。使解兵柄歸四川。寺羅帖木兒知不出帝意。皆搠思監朴不花所為。

怒不奉詔宗王不顏帖木兒等為表言其誣枉而朝廷亦畏其  
強不可制復下詔數捌思監朴不花互相聖蔽黃惡主聽之罪  
屏捌思監於嶺北竄朴不花於甘肅以快眾憤而復李羅帖木  
兒官爵然捌思監朴不花皆留京城實未嘗行未幾李帖木兒  
遣禿堅帖木兒以兵向關聲言清君側之惡是月十二日駐於  
清河帝遣達達國師問故往復者數四言必得捌思監朴不花  
乃退兵帝度其勢不可解不得已執兩人畀之其兵乃退朴不  
花遂為李羅帖木兒所殺事具捌思監李羅帖木兒傳

論曰朴不花因緣西宮遂致柄用朋比權姦肆其凶熾雖交  
章論列而根株幾不可拔矣及其挑激強藩稱兵詣關身僂  
而國亦隨之噫嬖寺之以人國徼幸也詎可樂哉